

Колхозмудиг техникеск теткил- гьд РТС-н нилчинь өөдлүүлхмн

Республикин колхозмудар болн совхозмудар Хальмг АССР-н Деед Советин сунь-гьвринг болн Алдр Октябрьск социалистическ революцин 41 джилин өбниг уктлгьна социалистическ дөрлдан өдр ирвас улм бргар делгрдж йовна. Хальмг республикин куч-көлсчир селанэ элл-ахун цуг көдлмшэн түргар төгсгдж, КПСС-н XXI хургиг производствен шин диилврмудар тосхар шундуга кевар ноолддж йовна.

О селанэ элл-ахун цуг көдлмш түргар төгсгдх цагт, колхоз болн совхоз болгьнар техникиг бүкл чилднь, дигтэ саянар олзлгьн эркн йилгьгч чинь ууджана. Эн туст ясврин техникеск станцсин нильчнь йир ик болдг. РТС-н көдлмшин болн чирин тускар КПСС-н ЦК-н болн СССР-н Министрумдин Советин токтаврт иигдж келгдлэ:

Колхозмудт баяах трактормуд, комбайнс, автомобильмуд, селанэ элл-ахун машин болн зер-зев яслгьн; машини-тракторн паркиг чикар олзлхднь болн техникеск тетклгьнднь колхозмудт дөнйг күрглгьн; селанэ элл-ахун производств шин техник, наукин шин күүцтс оруулгьнднь, машини-тракторн парк эллгьнднь болн бас теду мет механизаторск кадрмудин медрл өбдлүүлгьнднь колхозмудт дөнйг күрглгьн, — гидж келгдлэ.

Эн джилин тарана ургьц хуралгьнд ясврин техникеск станцс эврэнь зөвэн элддж, механизатормудт сэн дөнйтус күргджалэ. Улгурнь, ясврин техникеск Яшалтинск станц тарэ хуралгьна цагт эргэд йовдг 7 мастерской бүрдэгьад, колхозмудин болн совхозмудин тракторн бригадмудт техникеск дөнй-тусан күргдг билэ. Элст балгьсна РТС-н специалистир тарэ хуралгьна цагт колхозмудин болн совхозин бригадс эргдж, эднэ механизатормудт техникеск заавран, селвган бгч дөнй-тусан бас узулджалэ.

Болв кесг ясврин техникеск станцс эврэнь ормдан батта саянар суугьад уга баанэ. РТС-н техникеск гардвр сули чрар колхозмудин болн совхозмудин тракторн бригадсар техник хара зогсгьна, техникеск халаврин зура эвдлгьнэ йовдл гарна. Ясврин техникеск станцсин көдлэчир орман эвлэд селанэ элл-ахун техник эдлгьнднь, производствд техникин түрүн нуурин

дамшлт оруулгьнднь колхозмудт болн совхозмудт өдр болгьн дөнй тусан күргдг болхла, республикар зябь хагьлгьна көдлмш түргар йовхнь лавта билэ. Болв ирх джилин таранд газр белдлгьнэ көдлмш хашнгар йовдж йовна.

Приютненск района Кировин нертэ колхозин 3-ч комплексн бригадт зябь хагьлгьн хашнгар йовв чигн, энунэ трактормуднь цугтан көдлхш. Яшалтинск района "Новый мир" колхоз трактормудт ясхд эркн кергтэ зер-зев чигн, сэн мастерской чигнуга бийнь, тракторт яслгьна көдлмшиг РТС-д бггго колхоздан келларн, ясврин 3 хонга көдлмшиг 10-12 хонгт унджарулад, техник хара зогсана. Ясврин техникеск станцс болхла, теду мет тийм дуту-дундсиг цагтнь меддж даруднь уурулхш.

Трактормудт болн селанэ элл-ахун талдан чигн машиндт өдр болгьн техникеск халавр бүрдэлгьн — техник өбдм аштагьар эдлгьнэ эркн нег төрнь болджана. Болв Юстинск района "Северный" болн Сарпинск района Чапаевин нертэ совхозмудар трактормудт өдр болгьн техникеск халавр бүрдэлгьнэ зура эвдгднэ.

Тракторн бригад болгьнд, тракторин кесн көдлмшин өдр болгьн бичдг полевой журнал баяах зөвтэ. Трактормудт кинэн саянар техникеск халавр болн дундин болн капиталын ясвр — полевой журналд бичгдсн тодигас иштэгьар кегдх зөвтэ. Эн зокал эвдгдх зөв уга. Эдлаху болгьнар эн зокалг алдлго күүцэдж, трактор болгьниг өбдм аштагьар эдлгьн — РТС-н өдр-бурдин керг болджана.

Техникиг эзн кевар, ик аштагьар олзлхин төлэ, партийн, профсоюзн болн комсомольск организацс олин механизатормуд дунд политическ болн геган-герлин көдлмш бүрдэдж, эднэ техникеск медрлин өбдлүүлгьар тодрха керг-уулдвр темдгддж күүцэх даалгьврта.

Колхозмудин болн совхозмудин трактормуд, селанэ элл-ахун талдан чигн машинд — эдлахуд йилгьгч чинртэ, олин амтнэ, хамгин хаяртэ зөвр болджана. Эднд дигтэ сэн халавр болн техникеск асрмдж бүрдэлгьн — колхозмудин, совхозмудин болн РТС-н гардчирин, эднэ техникеск специалистирин эркн керг болджана. Эн кергиг диилвртэ саянар күүцэхин төлэ колхозмудиг техникеск тетилгьнд РТС-н нилчинь өбдлүүлх кергтэ.